

**Bosna i Hercegovina
Federacija Bosne i Hercegovine
Tuzlanski kanton
Grad Tuzla**



**Služba za ekonomski razvoj,
poduzetništvo i poljoprivredu**

Na osnovu člana 5. Odluke o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 01/19 i 7/20), a u vezi sa Programom utroška sredstava iz Budžeta Grada Tuzla namjenjenih za podršku projekata neprofitnih organizacija putem javnog poziva, sa pozicije-Tekući grant za finansiranje projekata iz oblasti poduzetništva-ekonomski kod 614311/49, za 2020. godinu, broj: 04-553-2020, od 17.08.2020. godine i Programom utroška sredstava iz Budžeta Grada Tuzla namjenjenih za podršku projekata neprofitnih organizacija putem javnog poziva, sa pozicije-Grant organizacijama iz oblasti poljoprivredne proizvodnje-ekonomski kod 614311/17, za 2020. godinu, broj:04-552-2020, od 17.08.2020. godine, Služba za ekonomski razvoj, poduzetništvo i poljoprivredu Grada Tuzla, dana **07.09. 2020. godine**, objavljuje:

JAVNI POZIV

**za dodjelu finansijskih sredstava iz Budžeta Grada Tuzle za 2020. godinu, za podršku projekata neprofitnih organizacija po LOD metodologiji, u okviru sredstava:
Tekućeg granta za podršku projekata iz oblasti poduzetništva i
Granta organizacijama iz oblasti poljoprivredne proizvodnje**

I - Predmet Javnog poziva

Predmet ovog Javnog poziva je dodjela finansijskih sredstava iz Budžeta Grada Tuzle za 2020. godinu, za projekte neprofitnih organizacija, sa sljedećih pozicija:

- Tekući grant za podršku projekata iz oblasti poduzetništva-ekonomski kod 614311/49 i
- Grant organizacijama iz oblasti poljoprivredne proizvodnje-ekonomski kod 614311/17.

Dodjela finansijskih sredstava se vrši prema usvojenoj LOD metodologiji.

II - Prioritetna oblast za finansiranje

Grad Tuzla putem Službe za ekonomski razvoj, poduzetništvo i poljoprivredu poziva neprofitne organizacije registrovane na području Bosne i Hercegovine, koje će svoje projektne aktivnosti realizovati na području grada Tuzle i u interesu građana Tuzle, da dostave prijedlog projekta koji treba biti u skladu sa općim ciljevima predviđenim Programima utroška sredstava na kojima se temelji ovaj Javni poziv, a koji su bliže naznačeni u Smjernicama za aplikante, dostupnim u prilogu ovog Javnog poziva.

Sredstvima ovog Javnog poziva podržat će se projekti neprofitnih organizacija, koji će se realizovati u oblasti poduzetništva i poljoprivrede, koje su definisane kao prioritetne razvojne oblasti prema važećim strateškim dokumentima grada Tuzle.

III – Iznos sredstava za finansiranje projekata:

Za ovaj Javni poziv u Budžetu Grada Tuzle za 2020. godinu planirana su sredstva na pozicijama:

-Tekući grant za podršku projekata iz oblasti poduzetništva-ekonomski kod 614311/49, u iznosu od 30.000,00 KM i

- Grant organizacijama iz oblasti poljoprivredne proizvodnje-ekonomski kod 614311/17, u iznosu od 23.000,00 KM.

Aplikanti su obavezni u aplikaciji navesti ukupan iznos projekta, te iznos sredstava koji se traži od Grada Tuzle.

Jedna neprofitna organizacija može podnijeti samo jedan projektni prijedlog i samo za jednu prioritetnu oblast obuhvaćenu ovim Javnim pozivom (oblast poduzetništva ili oblast poljoprivrede).

Zainteresirane neprofitne organizacije mogu sufinansirati projekat kojim apliciraju ili dio sredstava osigurati od drugih donatora.

Grantom koji se dodjeljuje u okviru ovog Javnog poziva mogu se finansirati administrativni troškovi pod kojim se podrazumijevaju: ljudski resursi, putovanja/prevoz, kancelarijski troškovi. Administrativni troškovi mogu iznositi do 40% ukupnih troškova projekta, odnosno do 40% iznosa odobrenih sredstava iz Budžeta Grada Tuzle.

Grad Tuzla zadržava pravo da ne dodijeli sva raspoloživa finansijska sredstva koja su predmet ovog Javnog poziva, ukoliko po Javnom pozivu ne bude zaprimljen dovoljan broj kvalitetnih projekata, koji zadovoljavaju kriterije utvrđene važećom Odlukom o načinu raspoređivanja finansijskih sredstava iz Budžeta Grada Tuzle neprofitnim organizacijama po LOD metodologiji.

IV - Aplikanti koji imaju pravo na podnošenje prijave:

Učešće u raspoređivanju sredstava za podršku projekata putem ovog Javnog poziva mogu ostvariti neprofitne organizacije (udruženja ili fondacije), registrovane na području BiH u skladu sa važećim zakonskim propisima u BiH (daljem tekstu: aplikanti).

Aplikanti iz prethodnog stava mogu ostvariti pravo na sredstva iz ovog Javnog poziva, uz sljedeće uslove utvrđene važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji:

- da projektne aktivnosti realizuju na području grada Tuzle i u interesu građana Tuzle,
- da se projektne aktivnosti odnose na prioritetne područja odnosno podoblasti u oblasti poduzetništva, i u oblasti poljoprivrede, navedene u ovom Javnom pozivu,
- da ne obavljaju aktivnosti u ime političkih partija,
- da im je registrovana djelatnost u skladu sa prioritetnom oblasti u okviru koje će realizovati projekat koji prijavljuju na ovaj Javni poziv,
- da posjeduju odgovarajuće materijalno-tehničke i kadrovske pretpostavke, kao i iskustvo u realizaciji projekata u oblasti u okviru koje će se realizovati projekat koji prijavljuju na ovaj Javni poziv.

V – Uputstvo za prijavu projekata

Zainteresovane neprofitne organizacije, detaljne informacije o uslovima za apliciranje, kriterijima za finansiranje projekata, dokumentaciji koja se predaje uz prijavu na Javni poziv,

periodu realizacije projekta, maksimalnoj visini sredstava koja se dodjeljuje po projektu, nazivu tijela za ocjenjivanje projektnih prijedloga, rokovima i načinu objavljivanja rezultata provedenog javnog poziva, obrasce za narativni i finansijski izvještaj, mogu pronaći u Smjernicama za aplikante u okviru ovog Javnog poziva, koje su u prilogu teksta ovog Javnog poziva.

VI - Prijavna dokumentacija

Ispunjena prijava sa neophodnom dokumentacijom dostavlja se u zatvorenoj koverti u jednom štampanom primjerku, lično putem protokola u Centru za pružanje usluga građanima (Šalter sala) Grada Tuzle ili poštom preporučeno.

Prijava treba sadržavati sljedeće dokumente:

- a) projektni prijedlog,
- b) pregled budžeta,
- c) logički okvir rada,
- d) plan aktivnosti i promocije,
- e) administrativne podatke o aplikantu,
- f) finansijska identifikaciona forma,
- g) popunjenu i potpisanu izjavu o podobnosti,
- h) popunjen obrazac liste za provjeru.

Dodatna dokumentacija je važan dio projektne dokumentacije i treba biti dostavljena uz aplikaciju kako bi prijava mogla biti vrednovana i ocijenjena.

Dodatna dokumentacija obuhvata sljedeće:

- a) rješenje o registraciji za aplikanta i partnera ako postoji (original ili ovjerena kopija rješenja),
- b) identifikacijski broj (kopija),
- c) kopija lične karte ili uvjerenja o državljanstvu za odgovornu osobu upisanu u sudski registar,
- d) opisni izvještaj o realiziranim projektima za prethodnu godinu za ranije osnovane organizacije, odnosno program rada za tekuću godinu za novoosnovane organizacije,
- e) uvjerenje nadležne Porezne uprave o izmirenim obavezama prema javnim prihodima (original ili ovjerena kopija, ne starije od 30 dana),
- f) završni godišnji finansijski izvještaj za prethodnu godinu (bilans stanja i bilans uspjeha), osim ako je udruženje registrovano u godini objavljivanja Javnog poziva (kopija),
- g) podaci o osobama koje realizuju projekat (kraći CV).

VII - Preuzimanje dokumentacije, način prijavljivanja, mjesto i rok za dostavu prijave na Javni poziv

Set dokumentacije za prijavu na ovaj Javni poziv kao i Smjernice za aplikante mogu se preuzeti na zvaničnoj web stranici Grada Tuzle (www.grad.tuzla.ba) a nalaze se u prilogu teksta Javnog poziva.

Dokumentacija se može preuzeti za vrijeme dok je otvoren Javni poziv.

Prijave se dostavljaju u jednom štampanom primjerku, u zatvorenoj koverti, preporučenom poštom ili se predaju lično u Centar za pružanje usluga građanima (Šalter sala) u zgradi Gradske uprave, radnim danima (ponedjeljak – petak), u periodu od 08:00 do 15,30 sati, na adresu:

GRAD TUZLA
Služba za ekonomski razvoj, poduzetništvo i poljoprivredu
Ul. ZAVNOBIH-a broj 11,
75 000 Tuzla

sa naznakom:

„Prijava na Javni poziv za dodjelu finansijskih sredstava iz Budžeta Grada Tuzle neprofitnim organizacijama, sa budžetske pozicije: _____

(navesti naziv granta na koji se odnosi prijava)

-Ne otvarati prije zvaničnog otvaranja- „

Javni poziv ostaje otvoren 15 dana od dana objavljivanja, **a krajnji rok za predaju aplikacija je 22.09.2020. godine.** Aplikacije koje budu pristigle poslije navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Aplikacije poslane na bilo koji drugi način (npr. faksom ili e-mailom) neće biti uzete u razmatranje. Vanjska strana koverta mora sadržavati naziv javnog poziva, naziv granta na koji se aplicira, puno ime i adresu aplikanta, puni naziv projekta i naznaku „Ne otvarati prije zvaničnog otvaranja“.

S obzirom na aktuelnu situaciju i mjere zaštite od koronavirusa preporučene od nadležnih organa, informativni sastanak u vezi ovog Javnog poziva, neće se održati.

Prilikom planiranja i implementacije projekta aplikanti su obavezni su provesti mjere i preporuke nadležnih organa u cilju zaštite od širenja koronavirusa (COVID-19), odnosno odgovorni su za primjenu mjera i preporuka koje budu na snazi u vrijeme realizacije projekta, ukoliko isti bude odobren.

U slučaju da su potrebne dodatne informacije i pojašnjenja, potencijalni aplikanti mogu kontaktirati Službu za ekonomski razvoj, poduzetništvo i poljoprivredu putem e-mail-a: nevresk@tuzla.ba, i dijanad@tuzla.ba, sa naznakom: „Javni poziv“, najkasnije 5 dana prije zatvaranja javnog poziva. Odgovori na upite će biti dostavljeni u elektronskoj formi najkasnije u roku od tri radna dana nakon prijema upita.